

~~6110-3~~

59

41 T5476.2/83B

5531.320B



御製詩二集卷之七十一

古今體九十九首

丁丑

自嘉興一日至靈巖駐蹕二首



樵李至靈巖一百卅餘里舟行縱順風此至

亦晚矣長隄可跋馬篤速便且駛易馬行逾

刻風帆落後已北南殊所習其別乃若此誰

掛翰林帆布帆有大書翰林者晝寢方隱几

前行馬及之是日所見故戲及之艤岸行且止隨前行無事之日易馬

由隄行及之謂彼落後勞彼喜逸無比飽食

故反落後

倦且眠夜到亦可耳

易舟寶帶橋取道石湖寺跋馬上方山復行
廿里地申刻至靈巖罨畫峯愈翠坐我臨湖
榭太湖在襟袂非歷半日勞那慳無窮意來
往已半月彈指訝何易

再遊寒山別墅

靈巖紆旱蹕所為遊寒山春曉宿雨收千嶂
泮輕烟遵磴下高峯天平在目前此則姑舍
是已恣率戒盤過嶺不五里別墅爰至馬截

薛屏陡壁逶迤枕平巒渟為半畝池激為千
仞湍隨宜置亭閣面勢抱林泉昨去落梅英
今來綻牡丹今昨信幻耳來去亦儻然凡夫
果不凡即境知人仙中心以藏之句留蒼巖
間

清暉樓

架木為高閣疏泉得廓池淙聲階下聽秀色
座間披笙奏新篁籟衣霑宿霧絲景叅米氏
畫神會謝家詩

聽雪閣作

范家有別業恰與寒山連過墻步幽逕趁此
片時閒松泉饒古意色聲真淨天板閣據峽
上聽雪聊復然石湖出處皆宦光一往焉無
事對斯境吾亦欲晏眠今豈鮮其人過時名
乃傳惕意井三文遊心白駒篇

聽雪閣疊舊作韻

宦光鑿石處引泉墮潭底其上有別墅我昔
聞名耳今來乃一尋兩奇信並美而此舊所

賞亦可稱觀止映心鏡如朗蠲俗園成喜擬
水為雪得水原雪之始請君忘耳觀聽可弗
聽已

聞山東得雨誌喜

已悉春霖被全鄭更希膏澤逮青齊封章忽
接佳音報喜在麥塍與菜畦

遊獅子林

蘇州府城內

早知獅子林傳自倪高士疑其藏幽谷而宛
居鬧市肯構惜無人久屬他氏矣今為黃手

蹟藏石渠不亾賴有此石渠寶笈舊藏有獅
 蹟子林圖為倪高士真詎可失目前大吏稱未飾叶未飾乃本然
 益當尋履齒假山似真山仙凡異尺咫松掛
 千年藤池貯五湖水小亭真一笠矮屋肩可
 掎緬五百年前良朋此萃止澆花供佛鉢淪
 茗談元髓未擬泉石壽泉石况半毀西望寒
 泉山趙氏遺舊址亭臺乃一新高下煥朱紫
 何幸何不幸誰為剖其旨似覺凡夫云慙愧
 雲林子

詣

文廟行禮

文廟建城南相傳錢氏園仲淹得斯捨胡瑗
 聘還尊惟是重經術何嘗計子孫相傳文正
家以為子孫當世世科甲短長相較量終覺
文正乃捨之以為府學云勝于門

過紫陽書院疊舊作韻

書院隣泮宮講學興賢俊斯惟儲材地董率
 尤當慎潛老宏章繼相讓如廉藺章更閩中

人紫陽道應振性理無竒言躬行敦至訓人
已審所為改過要不吝去華以就實素位惟
守分克己苟弗力外染將乘釁適因禮
至聖宮牆仰數仞過茲接諸生為誦勗新進
暇當付刻藤揮毫意以運

雜詠吳下故蹟

錦帆涇

高掛錦帆漾綵舟闔閭宴樂極風流鼠忌壁
壁不忘鼠終致胥臺鹿豕遊

雞坡墟

卧薪嘗膽秘深謀請糴聊為重禮求豈意狐
卑雉偏傲鬪雞方復事豪遊

鱸鄉亭

林家亭子陳家句津逮都因張季鷹四柱中
曾人幾閱萸鱸得味幾人曾

短簿祠

黑頭短簿如生面松竹叢祠清且幽千載名
山歸法護當年志未負優遊

見王珣
伯遠帖

辟疆園

勝概曾傳顧辟疆後來任宅亦顏荒惟應豪
放千秋述彷彿其人道姓王

交讓瀆

蹟傳陸曉與張融豈在隄揚瀆水中千載遊
人常想像故應何點歎高風

戴顓宅

捨宅由來福地宜北禪皮陸昔聯詩門前碧
柳黃鸝轉便是雙柑往聽時

陸羽泉

鱗皴石壁貯滄流綆汲壘瓶百尺脩笑彼吳
中泉品徧姓名翻落第三籌

三賢堂

五字蘇州是上乘白劉倡和亦堪稱垂虹設
以三高比却覺斯堂風雅勝

齊雲樓

傑閣無須拾級登吳天縱目喜晴明白家詩
及王家記來往吾懷早識名

滄浪亭

濯纓傲志寄歌詩怪石珍花儘足奇自是士
信於知己不妨激語答韓維

虎邱閣

版竅云當日朗時紙承寺景攬無遺見陶九成輟耕錄
試為乃信無其事紀載荒唐率若斯

蘇州啟蹕作

金閶三日略延留鳳船平明啟蹕郵惠溱重
期清入聽靈巖迴望翠凝眸豈無餘意民情

戀更有殷憂河務籌况復秣陵丞僕我便當
減從一為遊

惠山寺疊舊作韻

峯峯晴色濯新螺紺宇珠宮借巘羅希有秘
珍永寶四率成佳話實堪多春泉石罅淙聲
細新竹風前弄影娑文字禪雖非本分要因
淨業悅陀那

題漪瀾堂

一泓清照鏡光新耐可含風漾細淪印滿半

輪千古月入龍鳳影數竿筠題名乍爾懷蘇
軾肄業還應憶李紳笑我匆匆催騎去豈云
瀟灑箇中人

若冰洞

我昔撫石甃已愛冽且泚今探若冰洞更識
泉在此牝谷孕靈液乳穴淙神髓九夏其中
寒而况三春尾不可以久立巖齋聊徙倚展
書悟為學進步詎可止澄懷對有源靜觀懷
無始斯固太古然何乃稱陸子

題張宗蒼補惠泉圖疊舊作韻

補圖曾寫惠山泉輝映王吳合後先孰謂斯
人亦長逝空嗟絕藝此當前花香鳥語春如
繪流水行雲靜裡詮洗滌塵根泯能所偷閒
題句亦欣然

寄暢園雜咏

水雲佳趣登簷楹軒名園中十景之一過雨林嵐滿

目清也識舟行紆十里奈他泉石繫崇情
遠岑近巘滴新螺清曠名園一再過異世一

家能守業猶傳鳳谷昔行窩

九人六百有餘歲前度曾因佳話傳碩果今

惟四好在了知壽者相非堅

松篁深處小逍遙紫綻藤花綴幾條今日錫

山姑且置間間塔影見高標

復聞京師得雨誌喜

春膏北地艱二月霑八寸額慶兼惕息敢更
望過分封章今日披三月尺餘潤驚喜有是
哉感慰半疑信麥壠行當看誰敢飾言進稟

海塵祈年而况首善近獲嘉以為愧衷言非
漫遜江國方省耕麥菜兆都順微嫌近多陰
對時晴切願一喜一以慮循環互繾綣

自無錫放舟過丹陽駐蹕方瀆橋之作

迴鑿將幸徐金陵應必至六朝文物邦訪古
吾素志寧無數日留復恐歸期滯無以每趲
程原非為遊恣今朝遇順風早停頗無事宣
傳駐方瀆一百廿里地毘陵及曲阿瞬息度
次第衆舟多不及中途瞠乎棄乃悟有快心

即有不如意

駐蹕金山

楊子乘波換綵舸定光遙見石排峰吳頭越
角纜經攬浪靜風恬幸每逢萬古東流目遊
恰一時佳景興飛重往來屈指剏彌月爾許
青山兩岸濃

慧居寺八韻

寶華深秀處問路記吾曾是日觀民暇青春
佳興乘梵宮迎馬近崎逕破雲登戒井誰當

汲蓮池依舊澄六檀身口意三寶佛經僧淨

業遵毘柰禪機謝慧能

璇題千載煥

寺舊名聖化隆昌皇祖南巡時易今名

飴慕一心

增小憩催行轡耽斯理豈應

遊棲霞山

第一金陵明秀山所欣初遇足空前畫屏雲
罨紫峯閣乳竇春淙白鹿泉梵業鐫碑尚隋
代淨因捨宅自齊賢更誰鑿壁名紗帽只恐
平原意未然

紫峯閣

一峯傑豎衆崖巔
絢靄凝嵐秀撲筵
不是匡廬瀑簾側
也應名託李青蓮

春雨山房

山房號春雨
雨景一斟酌
萬籟靜益悠
諸峯翠如濯
烟絲織空羅
雲片張油幕
農夫早歌舞
行路來憩樂
鞦然笑子瞻
曾是道弗著

太古堂

水態將山致
都規唐氏詩
何當蠲萬慮
來度

小年時

駐蹕棲霞行宮作

建業路猶西
棲霞適可棲
聲名冠白下
樹木見蕭齊
一宿誠多費
諸峯率入題
山房春雨

足

春雨山房是處舊名也

頗望霽光霽

面勢延清矚
林巒景未藏
流銀響琴瑟
依綠撫琳琅
藻績信何有
茅茨覺倍強
漫重舉僧紹
傲志恐無當

遊攝山棲霞寺用尹繼善沈德潛倡和

韻

久聞攝山名秀如玉而冠僧紹小隱處高節
古今羨拔地百廿丈嵒峯凌碧漢衆山皆在
下如翁視童卅畫石及落星歷歷皆可按圖
經昔羶薌久矣繫清戀茲來緣省方乘暇遊
禪院蘇民厓解澤對佛愧止觀咨爾肆覲牧
峻宇何須辨

山房號萬松櫟步尋深逕孫枝貌已蒼側榦
形猶正何況古喬者孰不見生敬幾赦斧斤

刳益凜冰霜性拂星自成景吐雲應號慶倥
佺曾遺堯養真稱戰勝又如商伯夷乃得清
之聖層臺一登臨民瘼當前凭元氣復也無
謾濤何心聽

古人亦有言枕流而漱石不可無此意愛斯
淙復峇懸崖仲璋琢其佛四十尺松撐雲態
破竹迸埒形圻盤挈互轆轤如蓋亦如帶可
以謝棟梁永此安巖壁峯迴路轉處化身更
千億既不辨異同誰更分主客滌泉得品外

盤陀聊憩息軒渠笑陸羽未遇此真脉
 跑曾聞有虎名得因逢鹿每吐雲英英亦浸
 月漉漉其始乃何年太古此澗谷蘚痕石縫
 間細注纔漩湫聞自候停蹕階下宛成瀑斯
 事屬偶然不必稱更僕儻來還儻去誰歟享
 清福迴首語山僧付爾聽真筑山有白鹿泉
日久就淤大
吏於此建書室倫憩因稍為疏導
遂成巨流飛瀑奔注冬夏不竭云
 昂首最高峯巉巖拾級上藥草堪攝生含芳
 襲人賞北睇見大江顥氣涵漫漭吾懷與之

如廓然坦蕩蕩忽憶東坡翁赤壁曾獨往俯
 馮夷幽宮長嘯發逸響其氣盖古今其景融
 機象斯遊可同乎吾惟企遐想

藉聞夏諺中遊豫緣何事江國灾祲餘如傷
 猶未置嗟爾在位者孰非民攸暨邇來閭閻
 况略恣巡春騎縱云免溝壑未稱富蔣芟矧
 兹乃所見寧無未見際供奉爾勿勞徒勞亦
 奚異踏閱便遊山聞挈詩人儷索觀賡其章

匪侈詞華麗尹繼善入山閱工沈
德潛偕往故有此作

月

山雲傍晚收春月依峯吐度松輪暫棲落瀑
影堪觀靜機忘筌蹄禪境泯今古是時萬籟
寂清響自何所階下龍文動乃知來裏許

萬松山房

萬松春曉坐山房雨後千峰濯翠光因迴為
高步入古受宜得趣意延涼閒聽倚巘濤翻
鬣極眺鋪阡浪擺芒詎事遊山欣愜賞為民
額手慶宜暘

幽居菴

綠雲深處結屋號幽居不辨明僧紹張瓌昔

真堪師友予羣峰圍峭蒨叢桂映扶疎想見
伊人致徜徉賦遂初

登最高峰望江放歌

坐井者不可與觀天窺隙者不可與決鬪鵬
圖南技窮于居籠驥空北術乏于見囿得逸
于勞見遠于高苟不造極安識括苞吳頭楚
尾雲島風潮上下億計劫東西萬計里魏吳

相割據金宋互興圯一枕覺槐陰渺乎其小
矣謾謾天風拂鬚盪胃濤聲入耳砰磕鏗薩
收帆息檝羣避蛟龍孰知坐峯頂者豪吟虛
閣之中霽光下照彌平野萊黃麥綠真宜農
太虛亭

太虛亭上縱遙目一片晴光千里俱快意不
關林壑羨却因農慶憶杭蘇

登燕子磯觀江

峭壁捍長江探竒勝絕雙目窮空宇合耳駭

雪濤淙鯨鳥瑞殷祖泥駒造宋邦從來稱守
德天塹詎斯澁

遊觀音山永濟寺

濱江得初地插漢俯諸天鐵鎖連飛閣金繩
闡福田濤聲風裏立花色雨中燃默默今何
在彼寧非大年默默和尚住此寺年過百
矣辛未南巡時尚矍鑠出迎

今已示
寂云

駐蹕江寧作

龍蟠虎踞古神區展義觀民六轡紆詎彼迤

御製詩集 卷二十一
南山水境曰茲鑿夏帝王都春前耕植羣猶
力災後鄜闕氣幸蘇解澤有何遍黎庶憐他
愛戴不謀俱

賜安徽巡撫高晉

江分上下各撫治簡劇因之寄任殊以汝慎
勤應勝此鳳廬其念洊災區

賜安徽學政劉墉

海岱高門第劉墉之子瀛洲新翰林爾堪擬東
箭其善揀南金河戒伐檀誚新勤芘械心家

聲勉承繼莫負獎期深

金陵鳳凰臺用李白韻并效其體

為諸侯度重豫遊飛舸因渡長江流鳳凰忽
復逢此地東平憶昔登齊邱去歲東巡過東平亦有鳳凰臺

曾留九成自非虞帝陞六苞那見秦淮洲竭

和謫仙想懷抱人則何往徒生愁

泛舟後湖攬古

太平門外蔣陵湖春波演漾含新蒲鳴榔烟
水入深處濯清因以為清娛憶昔繁華樂遊

苑穿池肆武陳舳艫熙寧洩水號濟困實與
青苗意不殊勝朝乃復事開澹洲上置庫藏
輿圖即今陂沼靜無事魚蝦者往同民俱輕
舟自謂忘機矣何乃紛飛鷗與鳧

大報恩寺

南朝四百八十寺惟有建初真寂初步長干
巷尋覺路想赤烏年創佛廬放燭天光鎮如
彼登凌雲頂記曾子拾級聳眸始且置千秋
興廢慨憑餘

雨花臺口號

崔魏雨花臺蹟傳梁武帝雲光講經致雨花
臺城不救嗟何濟文殊問訊維摩處乃有天
花散天女一之為甚可再乎著者空搥塗毒
鼓

秦淮歌

祖龍東巡壓王氣通淮鑿斷方山埭癡心慮
後五百年詎知亡秦在二世長源因此名秦
淮縈紆建業達江隈時塞時疏異公革秣陵

終免淮為災六朝往事難尋跡王謝燕飛誰
 氏宅風流江令倦遊歸惟見秦淮依舊碧楊
 吳竊據築金陵清波溶溶乃貫城十六紅橋
 夾兩岸蜀嬌越豔揚新聲千金買笑輕一擲
 纏頭錦是寒女織會稱盒子鬪新奇薛鴨袁
 羊飭珍食而今功令禁俳倡歌樓舞館都荒
 涼烟花麗景縱遜昔瘴邪敦樸誠良方
 賦得鴻漸于陸得時字五言八韻
江寧試士子題
 懿彼三同鳥玩茲上九辭陵終莫之勝羽可

用為儀胎產則誠幻天冲或有時去容郭瑀
 拍來必季卿隨鳧乙任呼耳毳毛豈恃其稻
 梁原得致矰繳底須施薄漢雁斯後載旌騎
 早知寄言觀國者尚勵賁來思

靈谷寺

鍾阜東南尋道林蔚然深秀松森森溪光山
 色宛其識鐘聲旛影空去聲人心八功德水清
 且泚梵天震旦何彼此更聞左側琵琶街鼓
 掌響應彈絲起非神奇亦非邪淫世尊早明

示其旨乾闥鼓琴山河大地作琴聲迦葉作
舞亦復如是而已矣

閱兵

建業開牙駐禁軍

當年深意守惟勤安時要不忘危日詰武寧
當視具文八色旗分光耀旭千行士厲氣凌
雲方行禹跡無非事

大烈欽承勗紹聞

題雞鳴山

元黃剖判初江流山即峙山不自道名名况
非其始六朝稱雞籠或云因形似易謂名者
誰紛任後人揣漢魏前無聞時寧未有此或
開處士館教授傳經旨或創浮屠宮清淨演
禪理我來暢遠目元武澄見底欲倩揚清波
稱謂一以洗

憑虛閣

傑構雞籠據迥巔金陵勝概攬都全晉家石
馬埋烟草舊跡難尋為慨然

遊清涼寺

石城禮香界此路舊曾經
淨業真稱白好山
不改青欲尋辛未句
因上翠微亭觸景成新
會清機悅性靈

遙題掃葉樓

隅岫誰家掃葉樓
清標占斷石城秋
分明鄭谷詩中景
逸興遄飛那上頭

東山

風神不減王東海
瀟灑常思浙會稽
築土一

時聊想像豈期名字至今題

幕府山

建幕當年識茂弘
渡江事業賴經營
濟時宜進曹樊輩
乃在賀循與顧榮

青溪覽古

東渠猶自紀吳開
白芷青蒲出水纜
江總宅惟名獨在
郗施詩待客重來
綺樓烟月多寥
寂畫舫春波小
湖湘六代風流何足貴
歎家母語政詮該

寄題祈澤池

聞道結庵初法師倩龍女為現斯池神通誠
使那伽伏何待法華聽講時

熱

不雨已三日麥萊慶宜暘南望繫遐思一律
願蘇杭却以地卑濕驟熱鬱陽光如北地夏
五侯早一月強揮扇無爽風蚊雷勢更張北
人非習慣歸騎催應忙倦彼三時者炙背何
以當於蠶則已宜於麥慮有妨因悟鮮兩全

更恐蒸雲茫隨處勸勤民對時厘省方

石城歌

依巖捍江據地利建置緬懷吳大帝舟師風
利不得停一片降帆遂由出宋吞齊并相割
爭石城幾閱凡與荆袁粲雖死固未死褚淵
儼生何謂生省方偶此經層巘百雉埤堦猶
完善孝陵締構想當年金川門開瞥轉眼風
雨中晦明宛右顧興悲應不免吁嗟德險守
鑒茲及其守茲則已晚

朝天宮

冶城謁琳宇竹樹鬱蒼蒼弔古懷王謝遺風
泯宋梁緣山飛紫閣守汞鎖丹房顧諟吾恒
惇寧同尚老莊

牛首山

聊以萬幾暇遊茲雙闕山丹梯登覺路白業
訪禪關鐘韻響還靜吟情搜亦閒隙中倒窺
影寺西側一殿闔雙扉則闔寺峰形塵念此
都刪

祖堂

花巖接牛首古寺得幽棲路轉千葩續山空
百鳥啼有林皆颯颯不雨亦淒淒試問融開
士全提還半提

獻花巖

在牛首山東南有百鳥獻花之異故名

聞道懶融入禪定竒花忽自雪中開審斯已
枝葉邊事百鳥何須更獻來

江寧廻蹕駐棲霞作

三日金陵駐葆旌觀民率已悉民情尊親豈

不憐羣戴疏淪都緣繫別營州將往徐襄邑四
乘將閱壩攝山一宿且隨程較農所願收春
雨遊景偏欣值午晴

玲峯池

天池一泓峯頂泌早曛不竭潦不溢豈許凡
鱗箇裏藏時有卿雲波上靄南齊隱者枕漱
日那見紅亭崖側出為幸否乎泉自知俯清
聊爾怡神謐

石梁精舍

即明僧紹
隱居故址

高臺迥榭頗宜烟巒攬結幽竒遐想南齊隱
士爾時未必如斯

萬松山房

一逕愜心賞數間容膝安濤聲晴亦雨蓋影
夏應寒踈固宜清寄密寧礙暢觀由來無不
可彷彿在田盤盤山萬松寺為
十景之一

疊浪崖

海濤稱排山崖容謂疊浪稱謂豈本然名字
出想像叶翹首眄層峯誠有翻波狀谷神不

獨工冰夷宛相向僧紹昔乘桴依稀於此放
德雲庵

英英靄靄鎮氤氳路轉禪房花木分那共閣
梨舉公案諸峯都見德山雲

九株松

觀象為乾數合陽竒形古貌鬱蒼蒼攝山擬
作香山喚九老居然會會昌

玉冠峯

舊名紗帽峯嫌其近俚適和沈德潛詩

得句云久聞攝山名秀如玉而冠即以
易之

宇宙以來便有此秀拔江南鮮倫比六朝近
始著稱物持以名之豈其理彭澤不折五斗
腰科頭散髮常逍遙假使賁然白駒賦夏收
殷尋或可招迴巒岵嶂疊峻增我欲易名難
揣稱詩賡老沈得竒句神傳機軸真絕勝僧
紹有知應默肯崔琰何人敢爾能

駐蹕金山

往集言二集 卷二十一
棲霞跋馬蒞江干恰喜輕風不動瀾舟繫石
簾纔過午級攀雁堵略生寒雲來氣接巫峽
遠月湧輪高海嶠寬饒得蒼岩泐新句他年
又作舊題看

觀濤樓

地據江山勝樓臨潮汐竒憑觀悟有術妙理
契無為月鏡光明印風紈澹蕩披驚濤曾未
睹允翁幸哀時

泛舟長江夕景

輕漪不動陽侯風金山樓閣涵鏡空長江萬
里渺何極似太液池西苑中此時此景孤豈
可畫舫真如天上坐那須簫鼓振鏗鏘惟愛
縠紈呈澹沲是時金烏傍晚春一輪十丈玫
瑰紅滄波納日纔瞥眼蒼涼冥合萬化同浮
玉周遊忽一轉軒飛逸興復不淺炬樹歌船
亦底為印公蘇老應能辨

渡江駐蹕天寧寺

春江浪息曉風輕片刻瓜洲跋馬行舟易長

行世言集 卷十一
川廣陵近岸臨別館午天晴詎緣問景常探
勝要為籌河便趨程舞榭歌臺都不繫繫吾
懷者是民情

遊平山堂

卓午行宮頗無事偷閒一再至平山花辭駘
蕩紅紛雨林報清和綠可攀逾月風光易爾
許千秋吟咏檢其間何當向者留新什早泐
茗華待我還

命築高郵城外石隄詩示董事諸臣

河水日以高河隄日以起漾舟度高郵城廬
見隄底無計使之與隄平生靈所繫驚心視
前度淮城命砌石茲審緩急略可恃無已下
策仍用之縻帑固非所惜已愧我猶無疏濬
能責人盡職斯非理鞏固崇墉保障資費期
實用而已矣

運河行

運河之水東南流催漕風向西北遞風水胡
乃太相選造物節宣有妙意順水行舟南者

欣順風揚帆北者遂是謂天地之大公往來
無不資利濟順風復希順水人不知足矣聽
斯議

題釣魚臺

下鄉寄食缺晨炊旦旦淮陰理釣絲漂母何
曾期報重滕公幸得悅言竒挺身豈是過去聲
人量用蘇軾留出跨寧殊進履時長笑泰山
墩尚在萬家可置竟奚為

閱河示總督尹繼善副總河嵇璜

皇祖闢清口啟閉因時制高堰障淮東三壩
尾閘置侵循湖漸寬頗有弗容勢辛未親相
度因命增築二其三勢實危乃得開信智高

舊設三壩洪湖資以蓄洩伏秋湖漲至弗能
容辛未南巡閱河命增築其二與三壩而五
以仁義禮智信為次遞相宣洩
智信二壩非漲極弗得輒故多洩堰則固

高寶潦必暨其間亘運河諸壩復鱗次車邏
及天然昔人具深意不得已乃宣宣欲有次

第而為下河者閉壩堅持議一再偶獲幸前

臣高斌堅持保護下河之議高寶
田廬初得其利迄以壅閉致潰未可頻嘗

試所以癸酉秋上下咸被沴其心可矜諒其
智誠愚昧設云鑿其轍保隄則了事開壩孰
不能災傷將歲速審度權節通時刻謹消息
叶五言示大端推行慎所自

恭和

皇祖覽淮黃詩韻

竹箭東流川氣黃清淮交滙癸壬方
六巡勞已無所逸
一念勤民如視傷休息恒闕足衣食賑蠲敢

靳救災荒宣防前歲心猶惕即看洪波沸洗
湯

閱高堰工有作

癸酉秋之月沴氣行江南濁黃潦日增清淮
漲復添清口不能暢五壩尾閘滄而何膠柱
者前議持愈嚴天然壩弗啟為慮下河漸究
之乃大潰匪愛害倍兼高寶危城郭興鹽壞
閘閘上下兩俱敗何有脩防諳其時河復決
奪溜渾波淹不亟事堵築將慮洪澤占叶炭

歲數丈堰水連堰面涵億萬淮揚民殆哉奚

忍談立命重臣往分任各勉擔是秋洪湖漲

而黃河復決銅山南徙特命舒焚捷莫惜費

齊鄭助料在工物料皆命山其冬乃合龍

同日達奏函二二閘銅山均以臘月十善後慎

在茲滲漏可視凡培高斲山骨取固灌米泔

因工賑灾餘庶民來畚杵閱歲績乃奏緩急

庶可謀叶崇墉茲臨視咨度停巡駭終無永

逸策忸怩惟益慙

題李唐江山小景卷

卷得在衆前卷題落衆後詎因遜別圖理趣

聽茲剖如對六經士那易開談口欲罷歎弗

能恰值神來候叶文豈待加點興到吟筆走

原是畫中靈流露借吾手江非岷即浙山為

辰抑酉思翁題小景我謂無不有鴻濛孕決

漭緬邈鬱縈糾瑶林已芘虎霞嶠復蚴蟉或

為壯士怒相持爭勝負或為比丘禪空色都

不受或青若出藍或赤若中酒或艷若淑姬

或蒼若駘叟或如劍出匣徐聽泉聲吼或如
 鏡開奩萬象當前取雲閣幄仝棲丹竈康申
 守滄波掛布帆或是徐福否津逮大將軍畫
 苑誰出右蕭馬望後塵奚數黃子久宜乎畫
 禪翁磬折驚瓊玖武林金屋塵楚弓楚還扣
 荆溪隣豪敘轉眼嗟豐蔀數語見卷中思翁及程正揆改語
 滄桑閱幾番呵護誠非偶一例畫禪室雪溪
 相侶友王維雪溪小幀先入石渠寶笈以曾經思翁收藏題識因貯畫禪室中與
 稱此卷可雙璧香光亦知乎墨華宛不朽信哉東坡

言安得如汝壽

渡河駐蹕行營作

歲事南巡此渡河五旬餘日白駒過桃花水
 後全消漲天后風恬不動波彭沛縈心勞相
 聲去視瀾疏蒿目歎如何陸程計里應須趲武
 帳聊欣習慣多

御製詩二集卷之七十二

古今體五十八首

丁丑七

將往徐州閱河命簡親王奇通阿率衆
護衛

皇太后先至山東靈巖行宮駐蹕減從登途

八韻紀事有序

州維禹畫方見雅歌溯開國於大彭指
名都於西楚聿自澶淵既徙遂當黃水
最衝比至邇年益為險要當怒濤澎湃

之際束於地狹則勢激而成危迨濁流
瀰漫之餘分於力弱則沙渟而致淺中
泓易阻上游受倒漾之災旁出多岐支
渠有奪溜之患頻年告侵勞負楛於公
卿鄰壤不登嗟釋耒於黎庶披圖蒿目
曾無長策之可施覽奏增憂孰則成勞
之可恃乃者翠華時邁清蹕言旋相望
數程親臨周視惟是經途沮洳掖
輦非宜抑亦繞道遄征輕裝取便爰簡親藩

而衛從先駐勝地以憩留民事籌咨計
往還者旬日

慈顏載覲奉

色笑於晨昏律諧八韻事述五言

禹蹟久湮廢堯災每大投漢曾通鉅野宋已
賦黃樓近歲溢淤墊乘時欲酌籌

安輿遵故路減從指徐州永逸誠無術預防
要有謀策誰陳賈讓佑獨籲陽侯所恃芟兮
楛還虞伏與秋未觀愁弗置觀亦祇增愁

欽差工部侍郎夢麟總河白鍾山等奏
報荆山橋疏浚工成命議叙董事諸
臣詩以紀事

去年秋溢孫家集大事芟楗塞決口餘波泥
澱荆山橋微湖路塞水不受連延數郡被灾
沴未涸春田農束手加賑聊以救目前善策
亟為籌其後冬官之亞適隨鑿相度疏排汝
其懋叶南北河臣江南總河張師載胥本責
毋分疆界連臂肘集役脩物發帑償守土臣

職晉也就叶安徽巡撫高晉同心合力勉宣防豈在

清塵供奔走瀹濟兩月工始成荆山水洩四

臣奏叶二麥雖已失餅餌大田庶可播畝畝

酬勞獎績爾則應消患致和吾益忸

賜河道總督白鍾山

南巡江國周遭歷不使河干負弩朝嘉爾導
疏合優叙肯因小節課臣僚

安瀾

龍王廟六韻

皇考勤民瘼

龍祠建皂河層甍臨聳壩峻宇鎮迴渦

誌祀精誠達安瀾永佑歌彭城將往閱宿頓

此經過捍禦方多事平成竟若何所希

神貺顯沙刷輯洪波

舊邳州

艾陽遷建

聖恩留

康熙己巳年始改
建州城於艾山南

患自羊山初改流

一片白波浮故壘土人猶道舊邳州

七壩

西來近彭城川狹河益曲曲則名生工蹇焚

事脩築昨過夏家路七壩茲經復疊葺禦洪

濤洞心吁駭目尚聞水工云如此不一足救

急固云可經久誠非淑以官為家者方藉資

津澆譬如人無疾爬搔偶成毒毒已雜方投

禍多鮮見福

所過示總督尹繼善巡撫愛必達

所過沮洳鄉民艱觸目是入疆覘田野大都

荒蕪矣高地縱種麥或冀半收耳低地麥復
澇青黃將安恃翻犁播禾黍復苦無種子官
借雖有例吏胥弊無已罪固孔距心吾豈徒
責已方伯日隨鑾爾我同見此設更無實政
責又將誰委方面逮有司如臂之使指其遍
歷窮鄉民瘼周詳視開倉貸穀種加賑賙流
徙惠必使遍霑仍防蝨倭技勗哉各盡心庶
俾瘡痍起

麥田

麥田狀不一高下頓爾殊高可望餅餌災後
口聊餬下者春即潦根黃苗半枯哀哉斃斃
民食將近奪乎加賑至夏五倉儲嗟無餘博
施古已難况多蠹役徒豈如接青黃各為足
食謀見高固少慰見下增憂吁慰不抵憂多
民艱紛蹕塗

渡黃河駐蹕徐州作

畫州思禹績建國緬堯封楚漢惟蝸角山川
實地衝澶淵徙以後渤海入無從邇日淤尤

甚防秋策預供用爰紆六轡都大為三農恬
 浪徐鳴槩洪流高指墉驚心斯創見著意敢
 辭慵寧更言多費惟勤救鞠訕石隄築一律
 徐州北面護城有石隄而葦埽勝千重惟是
 東西皆土隄命易之以石
 補偏計曾無永逸庸黃樓讀昔賦宋代即今
 踪謾詡新沙刷水工云近日城下黃寅哉茲
 偶逢

災餘

災餘癘必行古人言之矣將為徐州行大吏

云宜止去去關民瘼寧忍復避此銅山蒞古
 邑菜色嗟怒視藍縷鮮完衣踉蹌或無履實
 澤果遍及仍然故何以太醫雖庸醫玉缺珉
 珉美四鄉分往救所司撥藥餌叶斯固子產
 惠應勝魏公指視爾傷曷瘳曰予愧無已
 彭城河復

蘇公河復昔非復彭城河復今仍河仍河何
 以謂之復解嘲聊爾為斯歌漢唐以來通鉅
 野燒草不屬無如何侵淫呂沛漸多事川狹

德業言集卷之十二
濤怒騰盤渦然惟宜合不宜散合資刷沙離
滄波斯流雖古有成語徒見其害利則那去
歲奪溜孫家集中泓力緩沙淤多隄旁水誌
度分寸泥停五尺高益加桃汎湯湯已拍岸
伏秋轉眼難延俄用是切切愁弗置紆程歷
覽親研摩下策仍惟事脩築易石鞏固周遮
羅水工喜稱漸復舊數日頓爾形遷訛三尺
沙刷餘二尺誌在敢飾虛言訖此亦偶然慢
過頌靈實昭矣感不磨

遊雲龍山作

彭城駐輦塵河防咫尺雲龍戲馬旁本意原
非是山水偷閒聊復訪蘇軾張天驥翠峯夏首
關林葉綠野風清泛麥芒底事今來艱迫句
為民籌濟為民傷

大士巖

峯有飛來像豈無色空空色定同殊普門誠
切宏慈願利濟應殷此際夫

試衣亭用蘇東坡韻

甕乏黃蘆身缺衣民艱露冕訪斜暉祇餘恧
若先憂切那有軒然逸興飛

放鶴亭歌

木石豈千年羽衣早翮去何來雲龍頂依然
有其處疏軒眺遠棲嶙峋階前亦立胎仙羣
坡翁公案一重唱爾時更有張山人青山綠
野古徐州黃河之水東南流本意登臨豁遠
志宣房深計翻增愁

戲馬臺用謝靈運詩韻

謝客昔攬勝摘藻蜚白雪逸志託邱園
藹藹秋陽潔西來為籌河彭城此駐節
導浚無良方俾又資賢哲旋顧灾餘民
食乏衣並缺八珍為弗甘寧能暢遊悅
雲龍有蘇蹟秀色城頭列途便臺頭寺
即戲馬古臺也清詞記一闕放鶴
已憩驂戲馬慢停轍寄言賡佳作伊人
所懷別汲古緬心藏撫今慚治劣

孫家集

去歲霖為灾漫灘遂奪溜

上年秋汎後黃河漫溢孫家集是處

本無隄工以備盛漲例於秋况後補築水衝溝渠而富勒赫漫視之兩年未嘗補築遂致成渠奪溜特命尚書劉統勳先事防少疎禍督工堵禦河流始復故道

致不可救非人用鰥官吾過其誰售連延淤荆山齊豫胥滂遘用是深厓懷王臣課奔走捍禦築決口疏瀹通下就今來閱崇隄未雨為綢繆叶層層牢關鍵切切防滲漏此誠燃眉計秋遥奚善後

登黃樓作

岿堯傑構俯徐城黃堊還存玉局名作鎮干

秋彭與沛祀賢並坐弟和兄樓中胎壘子我瞻子由像

詩傑句真無就夫子當年妙獨成二語櫟括東坡黃樓

詩句意太守為民猶切意况吾饑溺敢忘情

再題黃樓用蘇東坡韻

黃樓登不可無說更讀蘇詩引興發上惟青

天張幕圓下有洪川流芴滑脫胎高坐兩賢

人便欲拾級嫌塵鞮遐想九日勝賓筵痛飲

豪歌鸚鵡呷亦未因樂忘憂民隄築王尊督

畚鍤我來黃水雖刷沙灾後饑民景憐煞北

瞻豐沛開霸圖南望雲龍羅梵刹城頭曾不
 淖泥侵河中亦有鳴柳軋即景都弗減愁懷
 解嘲險韻聊吟壓泗水無從覓津滴楚山依
 舊圍齧齧嗟我羣黎乏衣食那有千村畜雞
 鴨違議紆程切炯瘵詎同攬結尋苔雪初議至徐
 州閱河大吏僉以頓次為積兩停潦所侵經
 途淖濘多方沮止朕以籌河卹災非事遊覽
 不可中輟排衆議登程連日
 晴明安驅周覽一如初指

渡黃河

春巡來往六乘舟總喜風恬濟巨流民務河

防予並厪

天禧

神貺衆蒙庥越山吳水別江國齊郡燕畿指
 陸郵只有此都人太鞠不堪蹙額望迴頭

子房山用謝瞻子房詩韻

揮金報韓侯藉箸翊漢王氛除紫色爭運扶
 火德昌惟是籌軍帷寧必奮馬槍定策都關
 中天府開堂皇業成即翻飛赤松白雲鄉過
 祀仰高風千秋崇此疆

荆山橋歌

石橋三里許以長如虹蜿蜒飲兩塘南北咽
 喉形勝控春秋節宣計畫良東接睢邳耕桑
 野西連豐沛王霸鄉我曾坐照資利涉發帑
 脩築乃如常乾隆丙寅發帑數萬徐州省方
 今迴蹕路便因度斯輿梁去歲孫工河奪溜
 聞道經此東歸洋一百餘孔不足洩其時水
 過橋面強水過沙停半淤澱微山遂壅趨壑
 方疇咨督課速疏浚即今尾閭纔通航吁嗟

民艱觸目是善後之策猶茫茫

入山東境

去去雁鴻減行行鷄犬繁一朝渾別省百里
 易方言對此慰誠切過來愁尚存亂山合沓
 處迴首是彭門

韓莊閘

韓莊界微湖蓄水以濟運猶恐春水弱冬令
 例疏濬去歲黃瀆溢壅遏湖流順泛溢連運
 渠無從辨堤堰即今漫漶道轉漕遲北進荆

御集言二集 卷十一
山近雖別十未減五分立馬望湯湯播種待
數郡艱矣籌河防恧哉念民困

降旨截漕十萬石為徐州鳳陽各郡縣

倉儲之備詩以言志

加賑至夏五民猶未免饑平糶及借種諸政
命齊施常平雖積貯展轉將無遺我身縱北
來我心每南馳彭城實親歷瘟疫方乘時不
待監門圖日覩嗟流離鳳陽所屬縣聞亦同
沛徐叶惠但施經見向隅豈其宜夏非截漕

時災重不可泥叶分貯補倉缺緩急可賴之
與我共治者寧非良有司體此在抱心推行
其善為

麥色

麥色北來日勝前黍禾鋪野潤芊芊含風沃
露清和月追歉希豐齊魯田境不灾荒方講
讓戶多弦誦自興賢蕭豐均是吾民耳鵠面
鶉衣劇可憐

詣

闕里瞻拜

去歲躬親奠

素王迴程重謁

廟堂皇誰知獻馘翻成偽去春以上年平定

啟蹕時適得擒獲阿睦爾撒納之報久遂致

之乃知策楞等為賊所給輕信妄奏餘氛更搆殃逆賊既未就獲颶竄哈薩克其

濟糾結豈礙告成斯定局曰惟聲罪不庭方

祖功

聖德胥垂佑在泮行歌載輯章

駐蹕古泮池之作

古泮城東在鳴鑾此日停壁詩宛隔歲去歲駐蹕

於此壁間留題庭柏只常青自較羶廬爽况看石沼

渟早宮近思訓切切志遑寧

皇太后車駕至泰安行營問

安紀事

紆程十日往徐州齊甸言旋傍麥秋趨謁

起居倍常敬慘舒民氣

奏從頭

謁

岱廟六韻

春巡限定程望

嶽寄遙情用趁迴塗便一申肅拜誠震方惟

帝出寅德肇人生仰載無私禱祈年有屏營

英雲籠寶殿佳氣護曾城退憩尋環詠環詠亭在

廟西側四壁刻歷代遊人詩詩裁不易評

登泰山作

合雲亭度棧縈紆旬歲重教履巘途昔日今

時渾不隔登封降禪總無須儻來憂樂亦多

矣試問山川亦異乎昂首天門三萬尺到因

步步積工夫

壺天閣

迥閣昔經坐今來無復登攀躋緣未暇攬結

識吾曾碧水自深澗白雲指上層勒崖多舊

句歷歷可明徵

迴馬嶺

昔人迴馬地進馬跋巖局夫子有明訓功毋

一簣停

朝陽洞

當年題句處洒掃備延停雲棧有翹白岱峯
未改青不教鎮留憩緣是舊曾經率以勞為
逸天門即叩扃

十八盤

猶記昔登十八盤坦途高架丈餘寬曾因過
費飭方伯率為趨平奉

大安戊辰恭奉皇太后安輿登岱有司
架木為棧道險峻皆成坦途茲來朕策

馬以登不令駕木今度揮鞭吟馬上不教放棧闢雲

端石梯拾級千層迥却喜堯峯本色看

恭依

皇祖登岱詩韻

春月南巡限程迫題詩興寄碧峯頭設如兩
度皆空過辛未及今丁丑終覺一心太率浮謁

聖纜辭曲阜縣登山遂至泰安州乾坤普照

天襟廓景仰

奎章萬古留

瞬息十春巖電影年來憂樂憶從頭誰能石
上三生認且看烟中九點浮幻矣仙踪謝蓬
海憫哉民瘼指徐州雲巢若問前巡事

名戊辰三月孝賢 淚灑空庭不忍留

西峪

又問靈巖路言從西峪途林陰入夏密峯翠
較春殊詩意常思李畫情詎讓吳時存勤政
念一宿豈妨乎

登王符最高峯得四百字

春巡氣尚寒有興未登眺清和茲返轡日長
况早到宇宙最竒處空過山靈譙設如逢炎
暄揮汗亦何要時景值佳會况鮮幾務告避
逅不可失一暢智仁樂園北啟便門不必命
旌纛肩輿陟崇椒林鳥為前導摧峩羅疏峯
威紆列層嶠陡壁若無路一綫穿林徼或如
田見龍或如霧隱豹或雄以猙獰或深以窅
窅或秀若丹青或壯若廊廟樹抱石為胎泉
飛峽成調山花霏細芳山禽遞幽噪歷歷所

攬結朗朗開懷抱舍輿還進步何藉節屐趨
初至半室巖屈屨以棚窖方牀儼維摩不著
天花落_叶為想詩僧逸頓息塵緣鬧躡險捫
烟蘿洞有白雲號膚寸一脉起澤應三農禱
證盟功德頂調御真古貌巢鶴最高處仙胎
宛可召應接乃無暇竒觀供四照南瞻日觀
峯是我昨所造北睇鵲華翠雲中辨隱約其
東朗公近疑聽錫聲標惟西乃豁開來路盤
崖隩已覺鮮其匹便欲觀其竅設匪片時勞

安識無窮妙蒼然日色暮歸路尋舊峭憶昔
可公輩別傳西竺教想亦巢許流林泉寄笑
傲侵尋事莊嚴逐末吁可笑其師若有知弗
許頭應掉有為法終幻成壞像相詔猶然冀
施檀云有福田報松隴坐靜觀萬緣信誰覺
忘物我未能吟懷且推敲

恭奉

聖母懿旨啟蹕還京紀事

有序

徐方時邁

鸞馭暫違曲阜言旋

惟宮載覲迨莅玉符之勝境泉石蔚其清涼

聿奉

鑾輅於名區飲膳調其旨適迺頒

懿訓俾速星言奏小憩以同行未蒙

慈允用首途而端發仰體

聖懷中宮率嬪御以承

顏親藩整師徒而扈蹕稍稽旬日佇侍

起居詩紀五言情行六韻

南巡三閱月北至近臨期

方澤躬禋際明庭疆選時皇都程尚遠

慈馭速非宜况

喜名山秀欲

留幾宿願親藩簡護衛宮眷畢追隨

懿命關勤政前驅

志敬茲

題倪瓚獅子林圖疊舊作韻

誰知獅子林宛在金閭有

舊題云借問獅子林應在無何有蓋

彼時不知即一溪與一峯位置倪翁手園中點綴

云皆雲我自構我昨涉其藩安能契授受已覺淨諸

品外物不足垢郵卷重題辭尚聞竹籟吼

開山驛

開山向平野東北濟城垂已過十年事惟消

片刻思自戊辰至今了知如寤夢何必惹清

悲朝爽城猶近前旌可慢移

聞京師得雨誌懷

北省春率旱十歲九憂常今年誠厚幸值我

巡南邦奏書每開讀頻報甘膏滂大抵符旬

期雨後即宜暘二麥可冀收黍禾苗俱長齊

魯一律然額手為民慶惟是西南鄙仍多沮

洳鄉荆山亟疏治積水奈汪洋所涸未及半

播種不可望為此弗寧居更籌救民方喜音

復北來二寸沃綠秧驚慰繼以疑行看懷新

良憂喜總因農憂多喜每忘嗟此兩鬢間安

得不點霜

命江蘇巡撫愛必達馳至行在問以徐

州事

齊魯如雲麥望秋憂心日夜在徐州亟來更有疇咨事首問吾民畧息不

過運河

一水宛分趙與齊浮橋飲練接長隄去纜弱柳含烟嫩迴看來牟擺浪萋較雨量晴以度耳慰豐愁儉亦紛兮僕人惟識皇州近揮策誰能惜馬蹄

浙江督撫奏報時晴應律蠶麥有收詩

以誌慰

武林風雨送登舟直達金閭勢未休人道常然不足慮我虞過度每緣愁時晴忽報山川朗及節欣聞蠶麥收南望那能無一笑旋因徐沛蹙眉頭

降旨免濟寧魚臺等五州縣積欠詩以

紀事

齊南五州縣去歲秋霖傷荆山不能洩率因河為殃春巡始知然督課疏濬忙茲來問涸

御集言二集 卷七十一
土一半纔播秧其餘尚沮洳安可冀秋糧無
收則賦艱災黎焉能償亟應籌撫卹詎可言
出疆是日已過德州加賑至夏五更無施惠方廉知
負逋賦其數十萬強概與豁徵輸問閭俾樂
康羣赤庶少蘇努力西成望

紅杏園

簾樹罷紅雨庭莎深綠雲去來原未異春夏
若為分榭較氈廬爽池饒冰沼文田田出蓮
葉龜戲誦清芬

即事

奏書披置郵春雨足皇州北往人恒問南垂

澤未優景河遜兩界

自京往南者皆云河間
景州雖已得雨然麥收

及大田播種景象不如京師一
帶及德州以南今視之果然

齊魯抵三秋

諺云一麥設匪經親覩吾將自此愁
抵三秋

逢熱

舟行兼頓落帆遲率道何須太急為今日歸
途已逢熱始知先是趨程宜
免河南夏邑等四縣積欠糶括其事成

詩

巡省匪遊觀民瘼咨處處春月往南時舊臣
 畢覲御家屏彭實豫人問以稼穡故奏稱數
 載澇蠲賑皆未遇是時彼方伯炳圖阿爾迎鑾正
 隨路同宣近前席詳告聽莫誤州縣或欺爾
 爾莫欺黎庶黎庶且勿欺當前可迴護挈彼
 往細勘改過要應速叶罪汝亦豈難而予更
 有慮鄉紳汝治下聽彼罪汝遽此風頗有關
 所以姑寬恕隔月撫臣報履畝親相度叶米

貴則誠然蓋緣賑糶去只可言借貸未可言
 賑務聞之為悚然誠未解吾憐特命賑一月
 稍救溝壑赴迴鑾至彭城乃有道旁謗謂鮮
 受實惠至今困沮如因思可使由聖語有精
 趣加賑反告災毋乃希恩屢復村頗有人一
 往其過怙叶是亦不難辨彭城多瘠苦叶隨
 來諸部員其狀盡親覩叶遴往四縣察與徐
 同異著旬日觀保迴即遴往之備言民痛勗
 與徐頗無二而苦無恩佈吁嘻有是哉是不

宜再顧方伯及方面爾皆為民牧叶我無靳
惠心而胡諱災固罷斥示重懲更簡賢才付
年來愛民意寧有未盡喻猶然殃我民咄哉
益知懼

駐蹕趙北口作

萬柳跋長隄江鄉景重題誰知今趙北大似
向杭西魚鳥悅人意靡蕪惜馬蹄渚宮乘爽
到雲水眇清淒

往來三閱月瀟灑一憑窓了識隙陰速未能
塵意降風漪青草接沙渚白鷗雙款乃雲汀
外漁舟唱晚腔

新城道中

北來麥益佳黍禾亦日好自此晴雨時西成
冀萬寶邇來頗炎蒸土燥埋秧小朝露雖畧
潤終覺為澤少為之復望霖因以常年考春
旱率成例祈至花開棗麥秋恒歉登大田尚
可保豈能如今歲綠野懷新早蜀望人盡同
欲速詎非躁叶自解雖如斯希澤終縈抱江

浙晴方佳燕齊雨滋妙叶寰宇九萬里畢願
時若報叶慰少憂恒多分應箇中老

良鄉行宮晚坐

停鑿來往近皇都督憶南巡此啟途三月光
陰誠迅矣百年久暫豈殊乎
展義從來重豫遊曰休曰助悉心求觀豐未
覺饒同樂視歉惟因切去聲先憂
越水吳山攬結餘北來饒得事何如清歡未
抵殷憂盛不在蘇杭在沛徐

甌香研淨值幾閒記里詩篇自改刪却我無
心戀江國是誰有意賦東山

陰

冀天傍晚佈濃陰澤豈辭多望作霖却是舟
行常嬾見思量人信鮮恒心

